

TITU

Titu zĩkenā Kereti b̄usun

¹ Makū P̄olu, Luda z̄òblerii, Yesu Kirisi z̄ĩriin ma ũ. À ma zĩ mà gb̄ē k̄ū Luda n̄ s̄en̄o kara a náanikenan mà tó ò a donyĩze yāpura d̄s̄,

² de n̄ w̄é ḡō d̄o w̄èndi k̄ū àdi láraroī k̄ū Luda a lé s̄è zaade andunia dí kátero. Àdi éke to s̄ōro.

³ Akū yā p̄i b̄ò gupuraa a ḡoɾoɾa waazi k̄ū Luda ó Surabarii d̄āmenē ma ke ḡūn lákū à d̄ite nà.

⁴ Makū mé ma takada dí k̄ennē Titu, ma né yāpura Yesu z̄é k̄ū ó kú l̄ēl̄ē ḡūn. De Luda k̄ū Kirisi Yesu ó Surabariio gb̄ēke kennē, à n gba aafiaa.

⁵ Ma n to Kereti, de n̄ yā k̄ū ò ḡō gwen̄o ḡōḡō, n̄ gb̄ē z̄ōk̄ōn̄o d̄ite w̄ēte k̄ū w̄ēteo lákū ma ònnē nà.

⁶ À mana gb̄ē z̄ōk̄ō ḡō kun taari sari n̄om̄endode ũ. A n̄en̄o ḡō ludanaanikerin̄o ũ, òsunḡō n̄ d̄s̄ né z̄āz̄āde s̄āgb̄ānad̄en̄o ũro.

⁷ Zaakū gb̄ē z̄ōk̄ō bi Luda z̄ĩgwariime, àsunḡō de taaride ke ìad̄ari ke p̄of̄eri ke w̄ēderi ke gb̄ē p̄āsī ke ōḡōv̄āniw̄eteri ũro.

⁸ Séde àḡō de nib̄ok̄ūri ũ, laakaride k̄ū à z̄è k̄ū yāmanakenaao ũ, gb̄ē s̄úsu k̄ū à kú adona akūs̄ō à a z̄īda k̄ūna d̄s̄ ũ,

⁹ gb̄ē k̄ū à z̄è s̄úsu k̄ū yā náanide k̄ū òdi dań̄en̄o ũ, de à le à lé da gb̄ē p̄ānden̄o k̄ū yāz̄ed̄ann̄en̄aa p̄iio, à gb̄ē k̄ū à b̄ò a yā kp̄en̄o éke káń̄e n̄ ō.

¹⁰ Zaakū s̄āyāmarisaride k̄ū òdi gb̄en̄o likara k̄ū n̄ yā'onaaon̄on̄o dasi, at̄ensa gb̄ē k̄ū ò z̄è k̄ū t̄z̄ōyāon̄o.

11 Òdi ɔn bũnu yaka. À mana ò lésɔ dańne. Òdi yā kũ à de ò dańnero dańne ɔgɔ bènne lena yāi.

12 Kereti bũsu annabi ke pì, Keretinɔ bi ékedenɔme, nɔbo pāsĩnɔme, ye'uide póke kopirisarinɔme.

13 Yā pì bi yāpurame. Abire yāi n̄ kpākēnyĩ manamana, de ò zé sé sũsu.

14 Òsun laakari ɔ Yudanɔ garaaro ke gbē kũ ò kē yāpuraa yāditenanɔ.

15 Póke ògɔ gbāsĩ gbāsĩsaridenɔnero, akūsɔ póke ògɔ gbāsĩsari ludayādarisari gbāsĩdenɔnero, kũ n̄ laasun kũ n̄ n̄esero vāni yāi.

16 Òdi pi ò Luda dɔ, akũ n̄ yākenaa di n̄ éke bo. Begirinɔme, òdi yā maro, òdi fɔ ò yā mana ke kero.

2

Yadannena zéde

1 Mɔkɔn sɔ, n̄ yā kũ àdi kɔ sé kũ yāzededannenaao dańne.

2 N̄ da mare zɔkɔnɔne ògɔ n̄ zĩda kũna dɔ gbē bèeridenɔ ũ, laakaridenɔ ũ. Ò zé sé sũsu kũ yenyĩo kũ menao.

3 N̄ da nɔgbē zɔkɔnɔne ɔ n̄ kunna gɔ de donyĩri mananɔ kunna ũ. Òsungɔ de guderi ke wē zònɔ ũro. Ò yā mana dańne,

4 de ò lé da nɔzārenɔa n̄ baadi gɔ ye a zāi kũ a n̄enɔ,

5 ògɔ de laakaridenɔ ũ gbāsĩ sari, ò laakari ɔ n̄ ɔn zĩa, n̄ baadi mì nate a zāne de òsun Luda yā vāni boro yāi.

6 N̄ lé da kefennanɔa ɔ ògɔ laakari vĩ.

7 Ñ yāmanakena zé mōhne a pínki gūn. N yādannena gō bēere vī à kō sí kū n yākenaa

8 kū yāzede kū oni fō ò a éke boroo, de wé'i gbē kū ò bō n kpēnō kū, òsun yā vāni le ò o ó yā musuro yāi.

9 Ñ lé da zōnōa ò mì nate n díkirinōne yā sīnda pínki gūn, ò yā kū ani kángu ke. Òsun yā lińmaro.

10 Òsun kpāni orńmaro. Ò tó ògō n dō gbē náanidenō ũ manamana, de Luda ó Surabari yā kū odì dańne wé bo yā sīnda pínki gūn.

11 Zaakū Luda gbēke kū à sù kū surabanaao gbē sīnda pínkinēe bō gupuraa.

12 Gbēke pì ten dawere ò kpe li yā kū adi kō sí kū Luda yāoronē kū andunia pónidenanō, de ògō ó zīda kūna dō gbē mananō ũ, ludayāmarinō ũ andunia tera díkīna gūn,

13 ó wé gō dō gōrō arubarikade kū óten dāa. Àkūme ó Luda zōkō ó Surabari Yesu Kirisi sugōrō gakeride ũ.

14 À a zīda kpà ó yāi, à ó bó vāni sīnda pínki gūn, à ó gbāsī gōgo, de ò gō a zīda gbē kū ò yāmanakena ania vīnō ũ.

15 Ñ yā pìnō dańne ñ lé daomma. Ñ kpākēńyī kū iko kū n vīo pínki. Ñsun tó gbēke n gya boro.

3

Ò laakari dō yāmanakēnaaa

1 Ñ dō n gbēnōgu ò mì nate gbānadenōne kū ikodenō, ò n yā ma, ògō kú kū yāmanakena sīnda pínki soruo.

2 Òsun gbēke tó vāni síro. Ògõ de nèḗdode yāketesaridenɔ ũ kũ ò busana gbē sīnda pínkinε.

3 Zaakũ ókõnɔ se, ó faya vī yāro, ludayādarisarinɔn ó ũ. O sātε, ó de pɔnnakεna kũ dà vāni sīnda pínkio zònɔ ũ. Odìgõ kú nèḗe vānio kũ nèḗegõbao. Ó de beḡirinɔ ũ, o zākõgu.

4 Bee kũ abireo kũ Luda ó Surabari gbēke kũ a yenyĩo bò gupuraa,

5 akũ à ó sura bà. Adi ke ó yāmanakεna yāinlo, kũ à ó wēnda dõ yāimε. À ó zú ò à ó í dufu, à tò o gõ gbē dufunɔ ũ kũ a Nini

6 kũ à pìsiwá gbānao Yesu Kiriḡi ó Surabarii gāi,

7 Abire yāi yā bò kũoo nna a gbēke yāi, o gõ túbiberinɔ ũ, ó wé dɔ wēndi kũ àdi láraroi.

8 Yā pì bi yāpuramε.

Má ye ò gā na yā pìnɔ onaaa manamana, de ludanaanikerinɔ le ò mè kpá yāmanakεnaaa. Abirekũ mana, à karana vī gbēnɔnε.

9 Ò pā mìsariyā yāgaganaanε kũ dizinɔ tó kōnɔwēnaao kũ fitiio kũ lékpakõana Musa doka yā musuo, zaakũ yā pānɔmε, ò karana vīro.

10 Ò kpākē gbē kũ àdi tó ò kēkõaai bee gēn pla, gbasa ò péa.

11 Ògõ dõ kũ gbē bire taka sātε. Durunnakeriimε, à a zīda bòbɔ.

Lézammanaa

12 Tó ma Atema ke Tikiku zīm̄ma, ò zé wεtε ò su ò ma le Nikɔpɔli, zaakũ ma zεo mà bunsirε láka gwe.

13 Ò ania ke ò zàna ke bùsu dokadõri Zenasinε kũ Apoloo de póke sún kīam̄maro ò tá gūn.

¹⁴ À mana ó gbẽnɔ yãmanakɛnaa dada ò ń zĩda kpáa, ò yã kũ à kɔ̀ sìonɔ bɔkɔte de òsungɔ kun pãro.

¹⁵ Gbẽ kũ ó kú lɛɛɛnɔ fɔ kpàmma ń pínki. Ñ fɔ kpá gbẽ kũ ò yewái Yesu zé gũnnɔa. Luda gbẽke keáre á pínki.

Luda yá takada kú Bisá yáo
Portions of the Holy Bible in the Busa language of
Nigeria

copyright © 2005 SIM International

Language: Bisá (Busa)

Translation by: SIM

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-10-10

PDF generated using Haiola and XeLaTeX on 18 Apr 2025 from source files dated 31 Aug 2023

8631d380-7d17-5581-abf9-174814e8ccc3